



¶ Meerche.

Es war emol e Scheesegaul,
¶ flodder junger Renner
Wann der war in die Schees geschbannnd,
Do friecht so leicht 'n Känner;
Un schtolz hat er seiⁿ Kobb gedrah
Als ob er selbscht vun Grafe
Abschdamme dhet; forz, mer muß sah
¶ Gaul, net absekaase.

Seiⁿ Brurer kummd vun friehuff schun
In Dienstden zum e Bauer;
Muß sich seiⁿ Brod verdiene un
Muß schaffe fescht un sauer.
Doch merdd er schtarck un brääd debei,
Nor dhut vum viele Ziehe
Ans Schnabbe so gewehnt, de Kobb
Er unnersich shtets biehe.

Die zwää sinn aah mol uff de Shtrooß
Zusammekumm beim Fahre.

De ähnde hat e junger Herr,
De anner Mischd gelaare;
Un wie de ähnd mit leichdem Schridd
Schtolz dhut vorimwer renne,
De anner denkt: Nah ich bin Gaul
Un werr deß grad so kenne.

So setzt er aah sich in de Drabb
Un jaggerd nooh seim Bruder,
De Mischd flieht uff de Schdrooß nor rum
De Fuhrmann flucht: „Du Vuuder,
Was schteiht dann deer nor in de Robb,
Da hoschtes for deiⁿ Bosse!“
Un domit haud er uffen neiⁿ,
Er soll deß Jaggre losse.

Der arem Gaul er wieherd nor,
Un löst de Kopp dann hengge
Zieht weider dann seiⁿ Mischd im Schridd
Un dhut nor häämlich denke:
Was hann ich Schweres dann verbroch
Dafß ich verdient die Gäsche?
Gebdds bei de Geil aah zwääerlää
Gesetz un Rechd un Regel?
